

جَزَائِر حَاكِمَة

جمعه ايرتسی

نومرو ۲۵۹ شعبان ۲۰ سنه ۱۳۰۱ حزران ۲ سنه ۱۳۰۰ صحیفه ۲۰۶۵

اشبه و غزته بهر هفته جمعه ايرتسی کونلری چيقار سنه لکی مجیدیه ایچہ التمش غروشددر
بهر نسخہ سی التمش پاره مجیدیه اوله رق هر یرده صاتبیلور درج اولنه حق اعلاناتک هر برندن
برمجیدیه اخذ قانور سنه لکنه مشتری اولق استیانتلر عدلیه نظارتی دائره سنده کأن جریده
محاکم اداره سنه مراجعت ایللیدر

(ایکوز الی سکزنجی نومرولی جریده محاکمه)
(مندرج اعلامک بقیه سی)

ابراز اولنان سندانتک تدقیقانه ابتدار ایله کندوسنک
ابراز ایتش اولدیغی ابتدای نیشان سنه ۸۴ تاریخلی
وقره علی زاده سلیمان امضالی سند موجبجه استیجار
ایتدیکنی بیان ایلدیکی مذکور میشه لکی مرقوم
سلیمان اغانک اصل مال صاحب لرندن استیجار ایدوب
ایتدیکنک تحقق ایتدیرلما سنک اصول محاکمه به مغایر
اولدیغندن عبارت اولوب فی الواقع ذکر اولنان
ابتدای نیشان سنه ۸۴ وفی ۱ مایس سنه ۹۳
تاریخلی سندلرده حدودی مرقم اولان میشه لک
حقننده طرفیندن هر بری سند ابراز ایدرک منازع
فیه اولان مذکور میشه لک کندوسنک تحت استیجارنده
اولدیغنی ادعا ایتکده اولمسنه و مذکور سندلردن
برینک تاریخلی مقدم و دیگرینک مؤخر بولمسنه
نظراً مذکور میشه لک حقننده طرفینک اساس
ادعاری ملک مورخ دعواسندن عبارت بولمغله

اول امرده مقدم تاریخ ایله مذکور میشه لک مستأجری
بولندیغنی ادعا ایدن حافظ ابراهیم افندی به ذکر اولنان
میشه لکی ایجار ایلان قره علی زاده سلیمان اغا
مأجور مذکوری مومی الیه حافظ ابراهیم افندیکنک
بالاده بیان ایتدیکی وجهله مومی الیه اسماعیل بکدن می
یوخسه اخیراً بشقه مال صاحب لری اولوبده انلردنمی
استیجار ایتشددر و بشقه لرندن استیجار ایلدیکی تقدیرده
بونلر حقیقه ذکر اولنان میشه لکه متصرفیدرلر
و بونلر مذکور میشه لکی مومی الیهما مصطفی والیاس
افندیلره ایجار ایدن کیسه لر میدر یوخسه بشقه
آدم لر میدر و موجر لری بر اولدیغنی یعنی ذکر اولنان
میشه لکی مستأجر اول سلیمان اغایه ایجار ایدن
کسنه لر مومی الیهما مصطفی والیاس افندیلره ایجار
ایدن اشخاصدن عبارت بولندیغنی تقدیرده مأجور
مذکور تاریخ مقدم ایله مرقوم سلیمانه ایجار
ایتدکن صکره مؤخر تاریخ ایله مصطفی والیاس
افندیلره ایجار لری مقدم تاریخ ایله وقوع بولان

ایستادارک فسخی اوزرینه میدر و سبب فسخ ندر بورلی تدقیق اولنه رق تبین ایده جک حاله کوره ماده قانونیه کوستر یله رک بر حکم و قرار و برنسی لازم کلور ایکن جهات مهمه مذکورده ندقیق اولنمسنن و بر ماده قانونیه ارائه ایدلکسنن

بر وجه محرر قرار و برنسی و ابتدای نلسان سنه ۸۴ تاریخلی مذکور سنند دخی بر ماده قانونیه مستند اولدورق بالاده محرر اسبابه مبنی حکمدن اسقاط ایدلسی یواسر و اصول و قانونه مغایر ایدو کندن اصول محاکمه حقوقیه قانون موقتیک ایکیوز اوتوز ایکنجی ماده سی موجبجه اعلام استینافی مذکور نقض ایدلش اولمغله مصححک صور مشروحه دائره سنده تدقیقاتی بالا اجرا حاصل اوله حق نتیجه به کوره حکم و اعلامه ربط اولنق اوزره محاکمه استیناف تجارت قسمه اعاده سنه و اعلام خرجی اولان ایکیوز غروشه صورت و تبلیغ خرجلی بولنان سسکسان غروشک ایلروده حقسنر حقیقه حق طرقة رجوع ایتک اوزره اول امرده مستدعی موئی الیه حافظ ابراهیم افندیکن التمسنه اکثریت آرا الیه قرار و بر یله رک افندی موئی لیه تفهیم قانندی

(فی ۹ ربیع الآخر ۱۳۰۱ و فی ۲۶ کانون)
(ثانی سنه ۲۹۹ تاریخلی و بیک التیوز یتش)
(طقوز عدلیه محکمه تمیز جزا دائره سنندن اعطا)
(قلنان اعلامک صورتیدر)

طرابلس شام سنجانی بدایت محکمه سی جزا دائره سنک ۶ رمضان سنه ۹۶ و فی ۹ تموز سنه ۹۸ تاریخلی و یتش الی نومرولی اعلامیه اوراق متفرعه سی سوریه ولایتی عدلیه فتنلکندن با تخریرات ارسال و باش مدعی عموم ملک مأموریت بهیه سنندن دخی فی ۴ رمضان سنه ۳۰ و فی ۲۷



مرقومه نك وقوع اقرار لرینه مبنی اعطای حکم یتش ایسه ده مرقوملرک استیطاقاً مضبوط اولان و کرک عند المحاکمه وقوع بولان افاده و اقرار لری سالف الذکر عدم تأدییه سنده اصرار اولنان مطلوب لرینه مقابل سکر رأس اینک اخذ ایدوب قریه لرینه عودت لری ائنده حیوانات مذکور نك لزوم اعاده سی صافیتا قضاسی متقدانندن محمود حامد طرفندن باند کره اشعار اولنسی اوزرینه جزیه الفرس قریه سی اها ایسنندن مصطفی الخج نام شخصک حضورنده مذکور تذکره دی کتوره نه تسلیم اولندیقنی باندندن عبارت اوله رق مرقوملرک شوافده لری صحیح ایسه حرکت واقعه لر نك غضب و سرقه بولنده وقوعنی تضمین ایتیه جکته مبنی بوباده تحقیقات اجرایی و هر حاله شهودک جلب واستماعی مقتضی اولدینجی حاله بوقواعد قانونیه به رایت ایدلکسنن اعطای حکم اولنش اولسی جهتیله اصول محاکمه قانونک اوچبوز اون دردنجی ماده سنه توفیقاً ذکر اولنان اعلامک نقصنه و احکام قانونیه دائره سنده رؤیت کیفیت ایدلک اوزره اوراق مرقومه نك محکمه اعاده سنه و خرج تعرفه سنک قرقنجی ماده سی موجبجه نقض اعلامی خرجی اولان ایکیوز غروشک اخذ واستیناف سنه قرار و برلدی

(فی ۱۱ ربیع الآخر سنه ۱۳۰۱ و فی ۲۸)
(کانون ثانی سنه ۲۹۹ تاریخلیه محکمه تمیز)
(جزا دائره سنندن ویریلان اعلامک صورتیدر)

در سعادت ژاندرمه نقراتندن چرکس بهجه تشهیر سلاح یتش دنیلان نقاش عثمانک محکومینه دائره محکمه استیناف جنجه دائره سنندن ویریلان فی ۱۶ صفر سنه ۳۰ و فی ۵ کانون اول سنه ۹۹ تاریخلی و اوچبوز قرق طقوز نومرولی اعلامک تمیز سی مرقوم عثمان طرفندن مدت و شرائط قانونیه سی دائره سنده اوله رق استندا

و بر قضاغه لایحه اعتراضیه دخی اعطا اولنسی اوزرینه اعلام مذکور الیه اوراق متفرعه سی باش مدعی عموم ملک مأموریت بهیه سنندن فی سلخ ربیع الاول سنه ۳۰۱ و فی ۱۷ کانون ثانی سنه ۹۹ تاریخلی و بیک ایکیوز یتش الی نومرولی تبلیغنامه الیه محکمه تمیز جزا دائره سنه اعطا اولنشد

اعلام مذکورک خلاصه مندرجاتی مرقوم عثمانک منور بهجه اجرای مأموریت حالنده ایکن قاتشهیر ایدلکی اجرا قلنان محاکمه علنیه ده اخبارات الیه ثابت اولدیفندن قانون جزانک بوز اون اوچنجی ماده سنه توفیقاً الی ماه بدتله حبسنه دأربک اوغلی بدایت محکمه سی جزا دائره سنندن ویریلان قرار مصیب و موافق قانون اولدیفندن تصدیقه اکثریتله قرار و بر یله رک تفهیم قلندیقنی مشتملدر

محکوم مرقوم عثمان طرفندن ویریلان مذکور لایحه مندرجاتی مشتملی بهجهک ادعای غلطه ده بکراده زقاغنده بعض کسان میاننده وقوع بولان زاعی بر طرف ایتک اوزره بکلدیکی نقطه محلی ترک الیه کلدیکنده کندوسی طرفندن تشهیر سلاح ایدلکی و کندوسی تعقیب ایدرک اسماعیل اغا و دیگر بر شخصک معاونتله دردسته موفق اولدینجی خصوصندن عبارت بولنش ایسه ده محافظه بلده و ضابطه نظامنامه سنه نظر آبوکی وقوعانده زقاق باشنده بکلکده بولنش اولان مرقوم بهجهت موقعنی ترک ایدیه میوب و وظیفه مرقومک یاننده بولنان پوسته بجی یه طائد بولنش و مرقوم بهجهت کندوسی و بالتعقیب قصاص طوره سیله باشی و سائر محال لرین جرح الیه خبر اولمق اوزره کتوردیکی اسماعیل طرفندن دخی ضرب ایدلکی بدایت تحق ایسنه مبنی مرقوم بهجهت برهفته حبسنه حکم اولنش و اسماعیل علیه نه کی دعوی دخی میسنده بولنش ایکن مرقومک شهادتک قبولیه بوکا اجرای مأموریت حال دنیلرک

بدایت و استینافاً محکوم طوئلسی و بالفرض کندوسیه رفقای پینده مشتمه وقوع و عولاش اوله یله مر قوم بهجت وظیفه سی خارجنده اوله رق هجوم و کندوسی ضرب و جرح ایلش و بوکادائر اولان اعلام محکمه جه نظر مطالعه به الخش و مدعی عمومیک جانبندن و کیلک مدافعاتی تقدیر و تصویب ایله بو خصوصه اجرای مأموریت نظر یله باقیله میه جعی حقنده بیان مطالعه ایلش ایکن بورالینه حواله سمع اعتبار ایلدلماسی و صولک دفعه کی محاکمه ده و کیلک بولندیرلماسی قانونه مغایر اولدیغندن بختله اعلام استینافینک قسحی استدا اولمشدر

مارالذکر تبلیغنامه ده دخی اعلام مذکورده ژاندارمه بهجتک نو بت بکلدیکی نقطه بی ترک ایلسی امور مأموره سنه عائد و بوندن طولایی مر قومه توجه ایده جک مسئولیتک مر جعیه رؤیت اولنه جق موادن اولدیغی کوسرلش ایسه ده مذکور بوز اون اوچجی مادهیه تطبیق جرم ایلدلمسی بهجتک اجرای مأموریتی اثناسنده تشهیر سلاح اولدیغنک تحقق ایتسنه متوقف بولمش و مدعی مر قومک و کیلی طرفندن استینافاً جریان ایلدن محاکمه ده جرم مذکورک اجرای مأموریت حالنده وقوع عبرالیدیغی ادما اولمش اولدیغی حالده حقوق مدافعه به متعلق اشبو ادعادن طولایی تحقیقات اجرا سیله ایجابی تقدیرنده مرجعندن استفسار کیفیت ایلدلمسی و نتیجه حاصله به کوره حکم ویرلمسی لازم کلور ایکن بورالینه رعایت اولنماش اولدیغندن اصول محاکمات جزاییه قانون موقتک اوچبوز اون دردیجی ماده سی موجب اعلام مذکورک نقضی طلب اولمشدر

سائر اوراق دعوی دخی فراتله اعتراضات مسروده حقنده اجرای تدقیقات اولندقدسه تبلیغنامه ده بیان اولندیغی وجهله اعلام مزبور ده مر قوم بهجتک نو بت محلی ترک ایتسی امور مأموره سنه و بوندن

طولایی مر قومه توجه ایده جک مسئولیتک مر جعنه عائد اولدیغی محرر اولوب طالبو که عندالاستینافی درمیان اولنان اعتراض مر قوم بهجتک اثنای منازعه ده وظیفه قانونیه سی داخلنده اوله رق اجرامی مأموریت حالنده بولندیغنه دائر اولسیه بوجهت حقنده تحقیقات اجرامی لازم کلور ایکن عطف نظر دقت ایلدلمک مزین مذکور بوزاون اوچجی ماده قانونیه به تطبیق مر قوم حقنده تعیین جزا ایلدلمسی مغایر اصول کورندیدن اصول محاکمه جزاییه قانونک اوچبوز اون دردیجی و اوچبوز اون طقوزنجی ماده لرینه توفیقاً مذکور اعلامک نقضه و نقض خرجی اولان ایکی بوزغروشک اخذینه قرار ویرلدی

(فی ۲ رجب سنه ۱۳۰۱ و فی ۱۶ نین)
(۳۰۰ تاریخ و ایکیوز اونالتی عدیده محکمه)
(تمیز جزا دائره سندن اعطافلن اعلامک)
(صورتیدر)

محکمه جنایتک فی ۱۵ ذی الحجه سنه ۱۳۰۰ و فی ۴ تشرین اول سنه ۹۹ تاریخی و التمش طقوز نورولی اعلامیه اوراق متفرعه سی باش معی عمومیک مأموریت علیه سندن فی ۲۳ ربیع الآخر سنه ۱۳۰۱ و فی ۹ شباط سنه ۹۹ تاریخی و بیک التیوز اون بر نورولی تبلیغنامه ایله محکمه تمیز جزا دائره سنه اعطا قلمشدر

مذکور اعلامک مالی عساکر شاهانه سواری قول اغارندن شاهین بکک کیفیت ضرب و جرحندن طولایی جنایتله اتهام اولنان یکریمی سکر یا شننده نور جمال خانم ایله حری اسیر دهرک صائم سندن طولایی محکمه جنایتده لزوم محاکمه سنه قرار ویرلان اوتوز ایکی یاشنده مومی ایله شاهین بکک اجرا اولنان

محاکمه علنیه لرنده مزبوره نور جمال خانم حره اولدیغی حالده شاهین بکک کندوسی صائم سندن طولایی اولجه مسایعه ایلدیکی روولور قورشونیه و قتل قصدیه طقسان طقوزسنه سی نیسانک اوتوزنجی جعه ایرتسی کونی عدیده دائره سنده حواله مدیری اوطه سنک اوکنده شاهین بکی جرح ایلدیکی کندوسنک طابعاً وقوع بولان اقراری و دلائل ایله ثابت اولدیغندن مجرمیتنه و شاهین بکک دخی مزبوره حره اولدیغی حالده اسیر دهرک صائب یکریمی لیرا الدیغی کندوسنک مؤلاً وقوع بولان اقراری و امارات سبانه ایله تحقق ایتدیکندن مومی ایلک دخی طولاندر یحیی فیلک مر تبکی اولدیغنه و مزبوره نور جمال خانمک قانون جزانک بوز سیکسایجی ماده سنه تطبیقاً و تاریخ توقیفی اولان بیک اوچبوز سنه سی رجینک بشجی کونندن اعتباراً اوچ سنه مدله کور که قولسنه و شاهین بکک دخی قانون مذکورک ایکیوز اوتوز اوچجی ماده سنه توفیقاً اوچ ماه حبسیله برلیرا جزای نقدی التمسنه و مأموریتندن طرد اولسنه و اوچبوز غروش اعلام خرجیه سائر مصارف محاکمه نک علی الاصول تحصیل ایلدسنه قرار ویرله رک تفهیم قلندیغنی حاریدر مدت و شرائط قانونیه سی داخلنده تمیز استدعای ویرمش اولان مومی ایله شاهین بکک لایحه اعتراضیه سی مالی کندوسی قول اغامی بولندیغی جهتله دیوان حرب حضورنده محاکمه سنک اجرا سیله تبیین ایده جک حاله کوره منسوب اولدیغی قوانین عسکریه به تطبیقاً معامله ایلدلمی ضمیمه کندوسنه عزو اولنان فعل ایله اسباب ثبوتیه سنک مقام جلیل سرعسکری به بیلدیرلمی نظاماً لازم کلور ایکن محکمه جنایتک بوجهتی نظر اهمیت و دقت المدیغی و محکمه عسکریه نک وظیفه اساسیه سی اولدیغی

بر ماده یی محکمه مذکورنک وظیفه سی خارجنده رؤیت و حکم ایتسی مخالف قانون اولدیغی و اصول محاکمات جزاییه قانونک یکریمی التجی و یکریمی یدی و یکریمی سکرز والی طقوز و التمشجی ماده لری احکامنه توفیقاً خصوص مذکور دن طولایی مظنون علیه بولندیغنه دائر قانونک تعیین ایتدیکی مأمورین و مدعی مزبوره طرفلرندن حقنده اخبار و شکایتنامه ویرلدیکی جهتله مدعی عمومی طرفندن اقامه دعوی و مستنطق جانبندن قرارنامه اعطاسی و محکمه جه کیفیتک رؤیت و حکمی محال ایکن محکمه مشارالیها هیئتندن بعضیلری محالی ممکن عدلدرک کیفیتک رؤیت و حکم کملری و اثنای محاکمه ده کندوسنک مافوقنده بولنان رضابطک حاضر بولندیرلمسی اصول مرعیه دن ایکن بولندیرلمسی مخالف اصول و قانون اولدیغی و قانون مذکورک بوز اوتوزنجی ماده سیله ذیلی احکامنه توفیقاً کندوسنک تبلیغات اجرا اولندیغی و کندوسنک نهی خصمک جرمنه غیر مربوط و بوجهتله محاکمه سی بدایت محکمه سنه عائد ایکن محکمه جنایتده محاکمه و حکم اولدلمی و بوضورتله حق استینافدن محروم ایلدلمی و کندوسنک ویریلان آنچه بر عطیه سنیه دن عبارت اولوب مزبوره دخی درت ماه صکره طقسان بش لیرالق قدر آنچه و اشیا ایله چراغ بیورلش اولدیغی حالده تحقیقانتک بونقطه لری ناقص براغلمی موافق عدل و حق اوله میه جعی و طولاندرلش اولان برکیسه نک متضرر اولسی لازم کلوب طالبو که بواشده مر قومه مستفیده اولدیغندن طولاندر یحییله محکوم اولسی تطبیق قانونجه برخطا اولدیغی و مجبر جلبنه لزوم اولدیغنه دائر ویریلان قرار دخی اسباب موجبیه سی موجود اولدیغی بیانیله حکم مذکورک نقضی مستعدیدر

استیناف مدعی عمومی کی مأموریت علیه سنک فی ۲۳ محرم سنه ۱۳۰۱ و فی ۱۲ تشرین ثانی سنه ۹۹ تاریخی و در تیروز قرق ایکی نومرولی اعتراض ماه سنه ۱۲ رجاتی قانون جزایک ایکبوز اوتوز اوچنجی ماسک فقره اخیره سنده طرد جزاسی دخی مندرج ایسده بوجزایک مجرمک مأمورین دولدن بولمنی قیدیه مشروط اولدیغنه حالبوکه مومی الیه شاهین بک مأمورین دولدن اولیوب ضابطان عسکریدن بولدیغنه وضابطان عسکرینک طرد جزاسیه مجازات اولمنی محاکم عسکریه وظیفه سنندن ایدوکنه بناء حکم مذکورک شوو جهتنجه اصابت قانونیه اولدیغی کی تحت حکمه انمش اولان مومی الیه شاهین بکدن خرج تعرفه سی موجبجه لازم کلان اعلام وضبط خرجلرینک اخذی اعلام مذکور نتیجه سنده کوسترلک اقتضا ایدر ایکن خرج تعرفه سی منظوقجه اعلام مذکورده بوکا دائر برسوز سبقت ایتماش اولدیغندن اصول محاکمات جزاییه قانون موقتک اوچبوز اون دردنچی ماده سی موجبجه مذکور اعلامک تقضی طلبنی حاویدر

ذکر اولنان تبلیغنامه ده دخی اعلام مذکورک جهت جنایه سی حقیده اعتراضه محل کور یله مدیکی کی جنجه ماده سنه کلجه اگرچه ماده مذکورده نث فقره اخیره سنده طرد جزاسی دخی مندرج ایسده بوجزایک مجرمک مأمورین دولدن بولمنی قیدیه مشروط اولوب حالبوکه شاهین بک مأمورین دولدن معدود اولماغله برابر ضابطان عسکریدن بولمنی جهته شو طرد جزاسینک محاکم عسکریه نث وظائفندن بولدیغنه دائر مدعی عمومی ک طرفندن سرد اولنان اعتراض موافق قانون بولدیغی اشمار و تبلیغنامه مذکور یازیلان فی ۱۲ چادی الآخره سنه ۳۰۱ و فی ۲۷ مارت سنه ۳۰۰ تاریخی ذیلده دخی شاهین بک طرفندن

اعطا اولنان لایحه ده کرک اساس ماده و کرک عدم صلاحیت مسئله سی حقیده سرد اولنان اعتراضات حکم مذکورک نقضی مستلزم اولور اسباب قانونیه دن کور یله ماماش اولدیغندن شوخالده ذکر اولنان تمیز استدعاسنک ردی طلب ایدلشدرد سائر اوراق دعوی دخی قرائله اول امرده جنایت حکمک تدقیقات تمیزیه سنه ابتدار اولنه رق مزبوره نورجمال خاتم حقیده جریان ایتش اولان تحقیقات و محاکمه اصول محاکمات جزاییه قانونیه ولاحق اولان حکم دخی جزا قانونیه هما یونه مطابق کورلدکندن حکم مذکورک تصدیقه و تمیز اعلامی خرجی اولان التیوز غروشت اخذیه اتفاق آرا ایله قرار ورلدکن صکره جنجه حکمی دخی تدقیق و مذاکره اولندوقده سالف الذکر ایکبوز اوتوز اوچنجی ماده قانونیه نث فقره اخیره سنده کوسترلان طرد جزاسی مأمورین ملکیه یه راجع اولوب ضابطان عسکرکی حقیده طرد جزاسی تعیین و حکم ایتک محاکم عسکریه یه عالم وظائفندن بولدیغندن مدعی عمومی ک مانندن بوبلده سرد اولنان اعتراضات بجا اولغله مومی الیه شاهین بک حقیده لاحق اولان حکمک مأموریندن طردیه دائر اولان فقره سنک نقضیه و مومی الیه شاهین بک لایحه سنده محرر اعتراضات قانوناً موجب نقض اولدیغنه بناء و زنه یه توزیع قلمش اولان بش لیرا تمیز جزای تقدیسنک محاسبه جه ایراد قید و لئسنه اکثریت آرا ایله قرار ویرلدی

(محکمه تمیز دائره سنندن فی ۱ شعبان سنه)
(۱۳۰۱ و فی ۱۵ مایس سنه ۱۳۰۰ تاریخ)
(و ۶۶۲ نومرولی اعلامک صورتلدر)

اشقودریه تابع نیران قصبه سی اهالی سنندن رامن بکی قتل ایتک جنایتله مناسرت و لایقی هیئت اتهامیه سنندن اتهام اولنان و فرارده بولنان قصبه مذکورده بلوک اغاسی سابق علی ایله برادری حسینک محکومیلرینه دائر اشقودریه بدایت محکمه سی جزا دائره سنندن غیاسباً اعلام ویرلدکن صکره مرقوماندن علی طوتیله رق محاکمه و جاهیه سی اجرا اولنه جغی صره ده ورثه مقتول وکیلنک استدعا سنده وشبهه بی داعی اسباب مقبوله قانونیه یه بناء دعوی مذکورده در سعادت جنایت محکمه سنه نقل اولنش اولدیغی حالده متهم وکیل جدی افندی مضبطه اتهامیه نث مفسوخیتی ادایه قیام ایلدیکی جهته دعوی مذکوریه متعلق اولان اوراق باش مدعی عمومی ک مأموریت علیه سنندن فی ۱۴ چادی الآخره سنه ۱۳۰۱ و فی ۲۹ مارت سنه ۱۳۰۰ تاریخیله و التمشیدی نومرولی تبلیغنامه ایله محکمه تمیز جزا دائره سنه اعطا اولمشدر

مذکور تبلیغنامه ده محکمه جنایت طرفندن اصول محاکمات جزاییه قانون موقتک ایکبوز الی برنجی ماده سنه توفیقاً فی ۱۵ ربیع الآخر سنه ۱۳۰۰ تاریخده متهم مرقوم علیه نث استجواب اولدیغنه دائر برقطعه ضبطنامه طوتیش و مدت نظامیه سی طرفنده مفسوخیت ادعای و وقوع بولماش اولدیغی حالده مؤخرآ فی ۲۱ ربیع الآخر سنه ۱۳۰۱ تاریخده استجواب مذکور تکرر ایدرک اولباده ایکنجی ضبطنامه تنظیم اولدیغندن طولابی اشقبو ایکنجی ضبطنامه زائد اولوب مفسوخیت ادعایه سی مدتک مرور ایلسیه محاکمه دوام اولمنی محکمه مزبوره مدعی عمومی کی مأموریت علیه سنندن ادعا قلمش و بوکا قارشو وکیل مرقوم جدی افندی طرفندن ویریلان مدافعه نامه ده استجواب اولی

متضمن اولان ضبطنامه ده مضبطه مزبوره ایله اتهامنامه صورتلوی موکلنه تبلیغ اولندیغی کوسترلش ایسده موکلنک ترکیه بیلامسیله برابر وکیلنک زدنلنده بولماسندن ایلر و کلش برسهودن عبارت اولوب یوقسه مدت مذکورده مذکور صورتلرک موکلنه تبلیغ اولندیغی خصوص مذکورده دائر اوراق میاننده هیئت اتهامیه مضبطه سی ظهور ایتدیکنندن بحثله مأموریت مشار الیه ایدن مقام عالی جناب نظارت پناهی یازیلان فی ۱۴ کانون ثانی سنه ۲۹۹ تاریخی مذکره اوزرینه مضبطه مزبوره نث صورتی محله ن جملیه کوندرلدیکنه دائر نظارت مشار الیه ایدن یازیلان ذیلک تاریخنلندن منفهم اولدیغنه و مذکور استجواب اولدن مقدم مذکور صورتلرک تبلیغنه دائر علم و خبر ظهور ایتدیکننه و فی ۳۰ کانون ثانی سنه ۹۹ تاریخنه مصادف اولان فی ۱۴ ربیع الآخر سنه ۱۳۰۱ تاریخی اولوب توقیفخانه مدیرینه محکمه جنایت مهر یله یازیلان بوصله ایله انک زرنده موکلنک مهر یله اولان تبلیغ علم و خبری و توقیفخانه نث تصدیق توار یخنه و بومثلاو قبل تبلیغ وقوع بولان استجوابلر معتبر اولمه یه جغی درکار بولندیغنه و بوضورتده استجواب اول ضبطنامه سی کآن ام یکن حکمه ده طوتیله رق مدت مفسوخیت استجواب اخیرک تاریخنندن اعتبار اینلسی لازم کله جکنه نظراً اعطای ایلدیکی فی ۹ شباط سنه ۲۹۹ تاریخی مفسوخیت ادعایه سی مدت نظامیه سی طرفنده ویرادیکی ادعا قلمش و مؤخرآ فی ۲۴ مارت سنه ۳۰۰ تاریخده وکیل مومی الیه طرفندن ویریلان دیگر استدعا نامه ده کایارد و حکمدن اسقاط ایدیلان ضبط اولده کی استجوابک اعاده بقایای اویه میه جفندن و مر بوطاً اعطا قلنان مذکور هیئت اتهامیه مضبطه سیله اتهامنامه نث فی

۲۰ ربیع الآخر سنه ۳۰۱ تاریخچه محکمه
جنایتدن تصدیق اولندیغندن طولای مفسوخیت
ادعاسنک مدتی طرفنده عدایدلسی لزومی بیان اولمش
ایسه ده محکمه استیناف مدعی عمومیلکی مأموریت
هلیه سنک اعتراضاتی وجهله ایکنجی استجواب
زائد اولدیغی درکار اولوب انجق متهم مرقوم
وکیل طرفندن ویریلان مدافعه نامه ده بیان اولدیغی
وجهله برنجی استجوابده هیئت اتهامیه مضبوطه سیله
اتهامنامه صورتلرینک متهمه تبلیغ اولندیغی مأموریت
(بقیه سی صکره)

اعلانات

قصاب سلیمان افندیکنک سعیده خانم ذمتنده برنجی حقوق
دائرة سندن صدرر ایدن اعلام موجبنجه مطلوبی
بولنان مبالغ معلومه نك تأمین استیفاسیچون مدبونه نك
متصرف اولدیغی حواجه پاشاده ابوالسعود افندی
جاده سنده کائن تخمیناً طقسان اتی ارشون اون اتی
برمق عرصه اوزرینه مینی ایکی قاندن عبارت صغیر
وکبر تحتانی ایکی و فوقانی کذا ایکی و برده طوان
اوطه سیله برابر بش اوطه بی و مالطه دوشه لی برحولی
و کذا مالطه دوشه لی بر مطبخ و دروننده برکورلیکی
و تخمیناً یوز ارشون یکر می برمق باغچه بی و دروننده
بر عدد عادی قیوی حاوی اوزدرت نومرو ایله مرقم
کار کیر بر باب خانه نك تمامی تاریخ اعلاندن اعتباراً اون
بش کون صکره بالمزایده فروخته تشبث اولنه جغی
در سعادت بدایت محکمه سی اجرا دائرة سندن اعلان
اولنور فی ۲۹ مایس سنه ۱۳۰۰

مصطفی احسان بکک مفتی زاده کریمه سی فاطمه دریه
خانم ذمتنده ایکنجی حقوق دائرة سندن صدور ایدن
فی ۵ نیسان سنه ۳۰۰ تاریخلی اعلام موجبنجه
مطلوبی بولنان معلوم المقدار بالغدن طولای مدبونه نك
تحت تصرفنده اولوب محجوز اسکدار داخلده صاری
قیانام محله قسقلی جاده سنده واقع مفتی زاده امین
افندی باغی دیملکه معروف یدی بیک اتی بوزارشوندن
عبارت اولوب دروننده کیر بوستان قیوسی بولنان
قرق اتی نومرو ایله مرقم بر قطعه خراب باغ محکمت
بتونی تاریخ اعلاندن اعتباراً اون بش کون صکره
مزایده به چیقار یله جغی و خریطه سی اجرا دائرة سنده
بولندیغندن طالب اولان ذوات ایستک ایتد کللی خالده
ارائه اولنه جغی در سعادت بدایت محکمه سی اجرا
دائرة سندن اعلان اولنور

فی ۲۲ مایس سنه ۳۰۰

سمندیره قریه سنده ساکن متوفی حاجی محمدافندیکنک
مخدومی رضانک قرتال بدایت محکمه سندن اعطا
قلنان بر قطعه اعلام موجبنجه دیمراکی به دینی بولنان
مبالغ معلومه نك تسویه سی ضمیمه مدیون مرقوم
سمندیره قریه سنده کائن متصرف اولدیغی بر باب
حاکم ربع حصه سی ایله بر قطعه بغچه نك مجموع
حصه سی وایکی قطعه بغچه و اخورلر کذک ربع
حصه لرنک تاریخ اعلاندن اعتباراً اون بش کون
صکره بالمزایده فروخته تشبث اولنه جغی قرتال بدایت
محکمه سی اجرا دائرة سندن اعلان اولنور
فی ۱۹ مایس سنه ۳۰۰

مطبعة طاهره ده طبع اولندی

هر من خانمک باجحت شرعیه وصیه سی بولندیغی